



Najvažnije na jednom mjestu

Stanje: juni 2021.

Vakcinisanje štiti Vas i porodicu!

Vakcinisanje protiv korone je put za izlaz iz pandemije. Onaj ko je vakcinisan štiti sebe i svoju okolinu. Mislite na svoje i zdravlje svoje porodice i prijatelja - vakcinišite se! Više o tome na internet stranici Ministarstva za socijalna pitanja: [Često postavljena pitanja na stranim jezicima \(sozialministerium.at\)](https://www.sozialministerium.at) ili [Informacije o koroni: Österreichischer Integrationsfonds ÖIF](https://www.oif.at)

Vakcine protiv korone

Vakcine su strogo ispitali stručnjaci evropskih institucija i veoma su sigurne. Vakcina funkcionira: u grupama sa mnogo vakcinisanih infekcije značajno opadaju.



Kako funkcioniraju vakcine

U slučaju trenutno raspoloživih vakcina protiv korone u tijelo se ubrizgava neka vrsta „plana gradnje“ pomoću kojeg tijelo samostalno može da stvori površinsku komponentu koronavirusa. Čim imunološki sistem naiđe na njega, tijelo stvara odbrambene supstance. One štite od oboljenja u slučaju infekcije koronavirusom.

Kod mRNA vakcina je taj plan gradnje upakovan u male kuglice masti. Kod vektorskih vakcina u drugi, potpuno bezopasan virus.

Reakcija pokazuje efikasnost

Na mjestu uboda mogu se pojaviti crvenilo, otekline, zagrijavanje kože ili bolovi. Uz to se mogu javiti tegobe poput glavobolje, malaksalosti i temperature. Moguće tegobe znak su normalne borbe tijela sa vakcinom. One ne predstavljaju razlog za zabrinutost i prolaze u pravilu za nekoliko dana.

Sigurno vakcinisani

Aktuelna anketa pokazuje:

50 %

Više od 50 % ljudi sa migracijskom istorijom u Austriji žele da se sigurno vakcinišu protiv COVID-19 čim se ukaže mogućnost. To također znači, **gotovo 50 posto treba još ubijediti u prednosti vakcinisanja**. Samo vakcinisanje štiti od težeg oblika bolesti i mogućih dugoročnih posljedica.

Ukratko: Prije vakcinisanja protiv korone

Da li se vakcinisanje plaća?

Vakcinisanje protiv korone je besplatno.



Gdje se vakciniše?

Vakcinisanje se vrši u ulicama za vakcinisanje i kod registrovanih doktora, ako nude vakcinisanje protiv korone kao dodatnu uslugu. Detalje saznajte prilikom prijave za vakcinisanje.

Gdje se mogu registrovati?

Osobe koje se žele vakcinisati mogu se prijaviti putem online platformi saveznih pokrajina [Austrija vakciniše - inicijativa protiv koronavirusa \(oesterreich-impft.at\)](#) ili telefonski na broj: 1450.

Pomoć kod prijave na različitim jezicima pruža Österreichischer Integrationsfonds (ÖIF) na broj tel: +43 1/715 10 51 – 263.


Na vakcinisanje treba ponijeti:

- E-karticu (ako postoji)
- Pasoš za vakcinisanje (ako postoji)
- Pasoš za alergije (ako postoji)
- Opcija: „Informativni i dokumentacijski formular za vakcinisanje protiv COVID-19“

Ukratko: Nakon vakcinisanja protiv korone

Koje zaštitne mjere ostaju na snazi?

Zaštitne mjere poput držanja distance, testiranja i nošenja maski svakako su važne dok većina ljudi ne bude vakcinisana. Tako se štiti sve one koji još nisu vakcinisani.



Šta mi donosi vakcinisanje?

Vakcinisanjem štitite sebe i svoju okolinu. Uz to prestaje obaveza testiranja za ulaz u različite objekte ili obaveza karantina nakon kontakta sa inficiranim osobama.

Kada mogu ponovo putovati i posjetiti porodicu?

Svi vakcinisani, testirani ili osobe koje su preboljele mogu to dokazati Zelenim pasošem. Tako su ponovo moguće posjete ugostiteljskim, kulturnim i sportskim objektima ili bezbjedno putovanje i porodične posjete.

Bezbjedno putovanje

U nekim zemljama postoji manji rizik od infekcije, a u drugima veći. Situacija se stalno evaluiše radi što boljeg putovanja.

Često postavljena pitanja za ulazak u Austriju nalaze se na: [FAQ: Ulazak u Austriju \(sozialministerium.at\)](#)

Gdje se registruje vakcinisanje protiv korone?

Vakcinisanje protiv korone upiše se u e-pasoš za vakcinisanje kao i u papirni pasoš za vakcinisanje ili karton vakcinisanja.

Napomena:

Ovaj prikaz služi kao kratka informacija o vakcinisanju protiv korone. Prije vakcinisanja svakako treba obaviti razgovor sa nadležnim doktorom.